



Republika e Kosovës
Republika Kosova
Republik of Kosovo

REPUBLIKA E KOSOVES - REPUBLICA KOSOVA
KOMUNA E VITISE - OPSTINA VITINA

29-05-2020

09-116/05-412



Komuna e Vitisë
Opština Vitina
Municipality of Viti/na

Në bazë të nenit 12, paragrafi 12.1 dhe paragrafi 12.2, shkronja d, neni 68.3 të Ligjit për Vetëqeverisje Lokale Nr.03/L-40 (Gazeta Zyrtare e Kuvendit të Republikës së Kosovës Nr. 28/2008), neni 13 i Udhëzimit Administrativ (MAPL) Nr.04/2018, për Transparencën në Komuna, neni 7 i Udhëzimit Administrativ (MAPL) Nr.06/2018, për standardet minimale të konsultimit publik në komuna, dhe neni 36 paragrafi 36.2, shkronja d të Statutit të Komunës së Vitisë Nr.01-013/491, të datës 21.04.2011, Kuvendi i Komunës së Vitisë, në mbledhjen e mbajtur më datën: 28.05.2020, merr këtë:

V E N D I M

Për shpalljen në diskutim publik propozim rregulloren për menaxhimin e mbeturinave

Neni 1

Me këtë, Kuvendi i Komunës së Vitisë MIRATON vendimin për lënien në dispozicion për diskutim publik draft rregullore për Menaxhimin e Mbeturinave.

Neni 2

Propozimi në diskutim publik i draft Rregullores për menaxhimin e mbeturinave do të jepet në diskutim publik nga dt. 01.06.2020 deri me dt: 30.06.2020, nga ora 8:00-16:00. Propozimet, sugjerimet për plotësim ndryshim apo vërejtje eventuale paraqiten në ditën e mbajtës së debatit publik, gjithashtu në formë të shkruar mundë të paraqitet gjatë kohëzgjatjeje së dëgjimit publik në zyrën e Drejtorisë së Shërbimeve Publike dhe Emergjencë në Komunën e Vitisë, ndërtesa shtëpia e kulturës "Gursel e Bajram Sylejmani" në Viti si dhe në formë elektronike mundë të dërgohet emailin driton.halabaku@hotmail.com, drafti i rregullores gjendet faqen elektronike të Komunës së Vitisë: kk.arks-gov.net/viti.

Neni 3

Debatit publik do të mbahet me datën 01.07.2020, në ora 10:00, në sallën e Kuvendit të Komunës së Vitisë.

Neni 4

Të drejtë pjesëmarrje në diskutim publik kanë të gjithë qytetarët e interesuar, organet dhe institucionet e Komunës së Vitisë. Qëllimi i këtij diskutimi publik është për të krijuar opinione pozitive në Propozim rregullore për menaxhimin e mbeturinave.

Neni 5

Qëllimi i këtij diskutimi publik është për të krijuar opinione pozitive për draft Rregulloren për menaxhimin e mbeturinave.

Neni 6

Për zbatimin e këtij vendimi do të kujdeset kryetari i Komunës dhe drejtorit përkatëse.

Neni 7

Ky vendim hynë në fuqi ditën e publikimit në wëp faqen e Komunës së Vitisë.

Vendimi u dorëzohet:

1. Zyrës së Kryetarit,
2. Drejtorisë për shërbime publike,
4. Arkivit,

KUVENDI I KOMUNËS SË VITISË
K R Y E S U E S I

Naim Pira



Republika e Kosovës
Republika Kosova
Republik of Kosovo



REPUBLIKA E KOSOVËS - REPUBLIKA KOSOVA
KOMUNA E VITISË - OPSTINA VITINA

10-03-2020
Vlera
Vendimi
02-035/02-250



Komuna e Vitisë
Opstina Vitina
Municipality Vitina

Në bazë të nenit 58, pika h të Ligjit për Vetëqeverisjen Lokale me nr. 03/L-040, neni 13 i Udhëzimit Administrative (MAPL) nr. 04/2018 për Transparencën në Komuna, lidhur me nenin 6 të Udhëzimit Administrative (MAPL) nr. 06/2018, për standarde minimale të konsultimitit publik në Komuna dhe neni 50 shkronja (I) e Statutit të Komunës së Vitisë, nr. 01-013/491, të dt. 21.04.2011 Kryetari i Komunës propozon këtë:

PROPOZIM VENDIM

PËR SHPALLJEN NË DISKUTIM PUBLIK TË RREGULLORES PËR MENAXHIMIN E MBETURINAVE

I

Kryetari i Komunës, i propozon Kuvendit të Komunës së Vitisë, që të shpallë në diskutim publik draft Rregulloren për Menaxhimin e Mbeturinave.

II

Propozimi në diskutim publik i draft Rregulloresë për menaxhimin e mbeturinave do të jepet në diskutim publik nga dt. 01.04.2020-30.04.2020, nga ora 8:00-16:00. Propozimet, sugjerimet për plotësim ndryshim apo vërejtje eventuale paraqiten në ditën e mbajtes së debatit publik, gjithashtu në formë të shkruar mundë të paraqitet gjatë kohëzgjatjesë së dëgjimit publik në zyrën e Drejtorisë së Shërbimeve Publike dhe Emergjencë në Komunën e Vitisë, ndërtesa shtëpia e kultures "Gursel e Bajram Sylejmani" në Viti si dhe në formë elektronike mundë të dërgohet emalin drton.halabaku@hotmail.com, drafti i rregullores gjindet faqen elektronike të Komunës së Vitisë, kk.rks-gov.net/viti.

III

Debat i publik do të mbahet me dt. 01.05.2020 në ora 10:00 në sallën e Kuvendit të Komunës së Vitisë.

IV

Të drejtë pjesëmarrje në diskutim publik kanë të gjithë qytetarët e interesuar, organet dhe institucionet e Komunës së Vitisë.

V

Qëllimi i këtij diskutimi publik është për të krijuar opinione pozitive për draft Rregulloren për menaxhimin e mbeturinave.

VI

Ky propozim vendim hynë në fuqi ditën kur aprovohet nga Kryetari i Komunës së Vitisë.

Viti, dt. 09.03.2020

PROPOZUESI : KRYETARI I KOMUNËS

/ Sokol Haliti /



Republika e Kosovës
Republika Kosova
Republic of Kosovo



Komuna e Vitisë
Opština Vitina
Municipal of Vitina

**PROPOZIM RREGULLORE
PËR MENAXHIMIN E MBETURINAVE**

Mars 2020



Republika e Kosovës
Republika Kosova
Republic of Kosova



Komuna e Vitisë
Opština Vitina
Municipal of Vitina

Në mbështetje të nenit 58 pika h të Ligjit Nr-03/L-040, për Vetëqeverisje lokale (GZRK Nr. 28/2008), nenit 15 paragrafi 7 dhe nenit 34 paragrafi 7 të Ligjit Nr. 04/L-060 për Mbeturina, nenit 50 shkronja 1 të Statutit të Komunës së Vitisë, 01., Nr. 01-013/491, të datës 21.04.2011, Kytari i Komunës së Vitisë, , popozon këtë:

RREGULLORE PËR MENAXHIMIN E MBETURINAVE

Neni 1

Qëllimet dhe fushëveprimi

- 1.1. Kjo rregullore ka për qëllim të vendosë një sistem të qëndrueshëm të menaxhimit të integruar të mbeturinave dhe të ndihmojë në ruajtjen e mjedisit. Menaxhimi i integruar përfshin përpjekjet për t'i parandaluar dhe zvogëluar mbeturinat e deponuara.
- 1.2. Kjo rregullore përcakton:
 - (1) kushtet dhe mënyrën e menaxhimit të mbeturinave;
 - (2) të drejtat dhe detyrat e gjeneruesve; dhe
 - (3) tarifat për shërbimin.
- 1.3. Kjo rregullore nuk zbatohet për:
 - (1) mbeturinat e rrezikshme; dhe
 - (2) llumin, baltën dhe mbeturinat e ngjashme.

Neni 2

Përkufizimet

- 2.1. **Mbeturinë** domethënë substancë apo objekt që prodhuesi apo zotëruesi e hedh, ka për qëllim ta hedh apo është i detyruar ta hedh.
- 2.2. **Gjenerues** domethënë prodhuesi ose personi që zotëron mbeturinën. Prodhues është çdo person që me veprimtarinë e vet gjeneron mbeturinë ose ia ndryshon natyrën ose përbërjen mbeturinës.

- 2.2. **Gjenerues** domethënë prodhuesi ose personi që zotëron mbeturinë. Prodhuës është çdo person që me veprimtarinë e vet gjeneron mbeturinë ose ia ndryshon natyrën ose përbërjen mbeturinës.
- 2.3. **Menaxhim i mbeturinave** domethënë menaxhim i integruar i mbeturinave. Menaxhim i integruar janë veprimtaritë për të menaxhuar mbeturinat dhe për të parandaluar dhe zvogëluar prodhimin dhe ndikimit të tyre në mjedis dhe shëndetin e njeriut. Veprimtaritë përfshijnë ndarjen sipas llojit, ripërdorimin, kompostimin, shkarkimin, grumbullimin, mbledhjen, bartjen, ruajtjen, trajtimin, përpunimin, riciklimin, rikuperimin, deponimin përfundimtar të mbeturinave, si dhe vëzhgimin dhe kujdesin e vazhdueshëm pas deponimit.
- 2.4. **Operator** domethënë person i licencuar nga MMPH-ja për të ofruar shërbime të menaxhimit të mbeturinave.
- 2.5. **Mbledhje** domethënë mbledhje dhe transportim i mbeturinave duke përfshirë klasifikimin paraprak në lloje dhe magazinimin e mbeturinave për qëllime të bartjes deri në objekti për trajtim ose deponim të mbeturinave.
- 2.6. **Pikë grumbulluese** domethënë lokacion ku vendosen shportat, kontejnerët dhe qeset e thasët për grumbullimin e mbeturinave.
- 2.7. **Qendër grumbulluese** domethënë lokacion për pranimin ose grumbullimin e mbeturinave të ndara sipas llojeve që i përcakton qendra.
- 2.8. **Shërbim** domethënë çdo shërbim në lidhje me menaxhimin e mbeturinave. Shërbimi përfshin mbledhjen, grumbullimin, bartjen dhe trajtimin e mbeturinave.
- 2.9. **Kompostim** domethënë trajtim i mbeturinave bio nën veprimin e mikroorganizmave në praninë e oksigjenit, me qëllim të prodhimit të kompostit nën kushtet e kontrolluara.
- 2.10. **Ligji për mbeturina** domethënë Ligji nr. 04/L-060, për mbeturina, GZRK 17/2012.
- 2.11. **MMPH** domethënë Ministria e Mjedisit dhe Planifikimit Hapësinor.
- 2.12. **GZRK** domethënë Gazeta Zyrtare e Republikës së Kosovës.

Neni 3

Llojet dhe klasifikimi i mbeturinave

- 3.1. Lloji dhe klasifikimi i mbeturinave përcaktohet sipas:

- (1) Ligjit për mbeturina, nenet 6 dhe 7;

- (2) Udhëzimit administrativ të MMPH-së, nr. 13/2013, për katalogun shtetëror të mbeturinave, botuar në GZRK më 6 nëntor 2014; dhe
 - (3) akteve të tjera nënligjore.
- 3.2. **Mbeturina komunale** janë mbeturinat nga amvisëritë dhe mbeturinat nga veprimtaritë e tjera që për nga natyra dhe përbërja janë të ngjashme me mbeturinat nga amvisëritë.
 - 3.3. **Mbeturina komerciale** janë mbeturinat që vijnë nga objektet që përdoret për qëllime të biznesit, sportit, edukimit ose rekreacionit, por nuk përfshijnë mbeturinat industriale.
 - 3.4. **Mbeturinat industriale** janë mbeturinat nga ecuritë industriale, prodhimtarit artizanale dhe veprimtaritë e tjera prodhuese. Prodhuesit janë përgjegjës për menaxhimin e tyre sipas Ligjit për mbeturina, neni 18, dhe akteve nënligjore.
 - 3.5. **Mbeturina mjekësore** janë mbeturinat nga veprimtaria dhe produktet mjekësore dhe që mund të bartin sëmundje. Përfshijnë mbeturinat medicinale, humane dhe veterinare. Menaxhohen sipas:
 - (1) Udhëzimit administrativ të MMPH-së, nr. 22/2013, për menaxhimin e mbeturinave medicinale, humane dhe veterinare, botuar në GZRK më 6 nëntor 2014; dhe
 - (2) Udhëzimit administrativ të MMPH-së, nr. 10/2015, për trajtimin e mbeturinave nga produktet medicinale, botuar në GZRK më 18 shtator 2015.
 - 3.6. **Mbeturinat e rrezikshme** janë mbeturinat që kanë tiparet e përcaktuara me Ligjin për mbeturina, Shtojca III, Lista H. Mund të përfshijnë mbeturinat industriale dhe mjekësore.
 - 3.7. **Mbeturina të parrezikshme** janë mbeturinat që nuk paraqesin rrezik për mjedisin dhe shëndetin e njeriut dhe që nuk kanë tipare të mbeturinave të rrezikshme.
 - 3.8. **Mbeturina inerte** janë mbeturinat që nuk pësojnë ndryshim të rëndësishëm fizik, kimik ose biologjik aty ku deponohet. Nuk treten, nuk ndizen dhe nuk reagojnë fizikisht ose kimikisht, nuk zbërthehen biologjikisht në kontakt me lëndët e tjera, dhe nuk ndikojnë ndjeshëm në mjedisin dhe shëndetin e njeriut. Kullimi, përmbajtja ndotëse dhe mbetjet ekotoksike të mbeturinave inerte janë të vlerës së papërfillshme dhe nuk rrezikojnë cilësinë e ujërave sipërfaqësore ose nëntokësore.
 - 3.9. **Mbeturina të ndërtim-rrënimit** janë mbeturinat nga veprimtaria ndërtimore dhe nga meremetimi dhe rrënimi i objekteve. Menaxhohen sipas Udhëzimit administrativ të MMPH-së, nr. 07/2015, për menaxhimin e mbeturinave nga ndërtimi dhe demolimi i objekteve ndërtimore, botuar në GZRK më 27 korrik 2015.
 - 3.10. **Mbeturina të vëllimshme** janë mbeturinat me përmasa të mëdha fizike nga pajisjet dhe makineritë. Largohen, grumbullohen dhe barten në mënyrë të veçantë.
 - 3.11. **Mbeturinat elektrike-elektronike** janë mbeturinat nga pajisjet elektrike dhe elektronike. Menaxhohen sipas Udhëzimit administrativ të MMPH-së, nr. 25/2014, për menaxhimin e mbeturinave nga pajisjet elektrike dhe elektronike dhe kufizimin e përdorimit të

substancave të rrezikshme në pajisjet elektrike dhe elektronike, botuar në GZRK më 8 dhjetor 2014.

- 3.12. **Mbeturinat bio** janë mbeturina të biodegradueshme nga kopshtet, parqet, ushqimet dhe mbeturinat e kuzhinës nga amvisëritë, restorantet, hotelieritë, shitoret, si dhe mbeturinat e ngjashme nga industria ushqimore. Mund të trajtohen me kompostim. Nuk përfshijnë mbeturinat shtazore. Menaxhohet sipas Udhëzimit Administrativ Nr. 20/2014, për Menaxhimin e Mbeturinave Biodegraduese, të MMPH-së, botuar në GZRK më 6 nëntor 2014.
- 3.13. **Mbeturinat shtazore** janë mbeturinat dhe mbetjet e kafshëve që krijohen nga amvisëritë, mishoret, thertoret dhe veprimtaritë e ngjashme.

Neni 4 **Përgjegjësitë e Komunës**

- 4.1. Komuna ka për detyrë të menaxhojë këto mbeturina:
- (1) mbeturinat komunale;
 - (2) mbeturinat komerciale;
 - (3) mbeturinat inerte;
 - (4) mbeturinat e vëllimshme;
 - (5) mbeturinat e ndërtim-rrënim; dhe
 - (6) mbeturinat bio.
- 4.2. Komuna mbikëqyr zbatimin e Ligjit për mbeturina dhe akteve nënligjore në lidhje me:
- (1) mbeturinat industriale; dhe
 - (2) mbeturinat mjekësore.
- 4.3. Drejtoria përgjegjëse për shëndetësi vendos në vende publike të përshtatshme kontejnerë të barnave, ku qytetarët mund t'i hedhin barnat e skaduar ose të papërdorura.
- 4.4. Komuna menaxhon deponinë e mbeturinave inerte sipas:
- (1) Udhëzimit administrativ të Qeverisë së Republikës së Kosovës, Nr. 08/2017, për Menaxhimin e Deponive të Mbeturinave, botuar në GZRK më 29 gusht 2017; dhe
 - (2) Udhëzimit administrativ të Ministrisë së Mjedisit dhe Planifikimit Hapësinor, Nr. 07/2015, për Menaxhimin e Mbeturinave nga Ndërtimi dhe Demolimi i objekteve ndërtimore, botuar në GZRK më 27 korrik 2015.

Neni 5 **Spektori i Menaxhimit të Mbeturinave**

- 5.1. **Spektori** domethënë Spektori i Menaxhimit të Mbeturinave, i cili vepron në kuadër të drejtorisë përkatëse për Shërbimet Publike të Komunës.
- 5.2. Spektori ka për detyrë:

- (1) të hartojë dhe të zbatojë planin komunal për menaxhimin e mbeturinave në përputhje me planin nacional;
- (2) të caktojë vendndodhjen e pikave të grumbullimit;
- (3) të përcaktojë llojin, numrin dhe vendosjen e shportave dhe kontejnerëve në përputhje me teknikën me të cilën mbledhen, ndahen dhe barten mbeturinat;
- (4) të caktojë orarin e mbledhjes së mbeturinave në marrëveshje me operatorin, dhe sipas nevojës, ta autorizojë operatorin që të mbledhë mbeturinat edhe jashtë orarit të rregullt;
- (5) të organizojë sistemin për mbledhjen dhe grumbullimin e veçantë dhe me pëlqimin e Kuvendit Komunal të caktojë vendndodhjen e qendrës grumbulluese për:
 - (a) mbeturinat e vëllimshme;
 - (b) mbeturinat e ndërtim-rrënim; dhe
 - (c) mbeturinat elektrike-elektronike.
- (6) të përcaktojë mirëmbajtjen e pikave dhe qendrave të grumbullimit si dhe shportave dhe kontejnerëve;
- (7) përmes operatorit t'u sigurojë gjeneruesve kontejnerët e kërkuar për mbeturina të ndërtim-rrënim;
- (8) Të përcaktojnë kushtet dhe rregullat për menaxhimin e mbeturinave nga sipërfaqet publike;
- (9) të identifikojë dhe të mënjanojë pikat ilegale të mbeturinave;
- (10) të vëzhgojë operatorët dhe t'ua sigurojë kushtet e veprimit;
- (11) të nxisë zvogëlimin e mbeturinave përmes konceptit 3R (reduktim, ripërdorim, riciklim);
- (12) të njoftojë publikun për menaxhimin e mbeturinave;
- (13) të shqyrtojë ankesat e klientëve sa u përket shërbimeve;
- (14) të përpilojë raportet për menaxhimin e mbeturinave, përfshi raportin vjetor që i dorëzohet Ministrisë së Mjedisit dhe Planifikimit Hapësinor brenda 31 marsit; dhe
- (15) të bartë përgjegjësi të tjera sipas kësaj rregulloreje.

Neni 6 **Operatorët**

- 6.1. Organi kontraktues i Komunës përzgjedh operatorët për të ofruar shërbimet e menaxhimit të mbeturinave.
- 6.1.1. Komuna mund të përzgjedhë për operator një ndërmarrje në pronësi të Komunës pa ndjekë procedurat e tenderimit sipas legjislacionit për prokurimin publik.
- 6.2. Operatorët duhet të veprojnë sipas kontratës dhe dispozitave ligjore.

Neni 7 **Të drejtat dhe detyrimet e gjeneruesve të mbeturinave**

- 7.1. Çdo gjenerues ka të drejtën e qasjes në shërbim. Ai ka të drejtë të parashtojë ankesë lidhur me shërbimin.

7.2. Gjeneruesit kanë për detyrë:

- (1) të bashkëpunojnë me autoritetet publike për të siguruar një mjedis të pastër;
- (2) t'i ndajnë mbeturinat sipas llojit;
- (3) t'i hedhin ose dorëzojnë mbeturinat e një lloji:
 - a) në shporta dhe kontejnerë të përcaktuar për atë lloj;
 - b) në pika ose qendra grumbulluese të përcaktuara për atë lloj; ose
 - c) te operatori;
- (4) të respektojnë rregullat e shkarkimit, të përcaktuara sipas planin të menaxhimit;
- (5) të përpiqen me zvogëluar sasinë e mbeturinave përmes kompostimit shtëpiak dhe formave të tjera të mundshme;
- (6) ta njoftojnë Sektorin kur gjenerojnë mbeturina të ndërtim-rrënim;
- (7) të regjistrojnë amvisërinë dhe veprimtarinë e vet dhe të njoftojë ndryshimin e të dhënave lidhur me kontrollin, përfshi rastet e shitblerjes, trashëgimisë, qiradhënies ose bartjes në mënyrë tjetër; dhe
- (8) të paguajnë tarifën e shërbimit.

7.3. Veprimtaritë prodhuese kanë për detyrë t'i dorëzojnë Komunës planin e menaxhimit të mbeturinave që gjenerojnë gjatë ushtrimit të veprimtarisë.

Neni 8

Regjistrimi i gjeneruesve

8.1. Sektori cakton mënyrën e regjistrimit të amvisërive dhe veprimtarive si gjenerues.

8.2. Amvisëritë dhe veprimtaritë i regjistrojnë:

- (1) Sektori; ose
- (2) operatori sipas marrëveshjes me Komunën.

8.3. Amvisëritë dhe veprimtaritë regjistrohen sipas këtyre dokumenteve:

- (1) akti që dëshmon kontrollin mbi amvisërinë ose veprimtarinë, siç janë kontrata e shitblerjes, akti i dhurimit, certifikata e pronësisë, kontrata e qirasë, certifikata e biznesit e akte të tjera;
- (2) regjistrimi i njehsorit të energjisë elektrike;
- (3) dëftesa e pagesës për mbeturinat në vendbanimin ose lokalitetin paraprak, nëse ka pasur; dhe
- (4) dokumenti i identifikimit.

8.4. Gjeneruesit ndahen në kategoritë dhe nënkategoritë e përcaktuara në **Shtojcën A**.

8.5. Nëse gjeneruesi nuk e regjistron amvisërinë ose veprimtarinë, Sektori ose operatori mund ta regjistrojë atë njëanshëm, duke njoftuar gjeneruesin, (në ato lokalitete ku kompania e ofron shërbimin).

Neni 9

Caktimi dhe arkëtimi i tarifave

- 9.1. Kuvendi Komunal cakton tarifat e shërbimeve. Merr parasysh ndikimin e tarifave në mjedisin jetësor dhe ndryshimet që rekomandojnë Sektori dhe operatorët.
- 9.2. Operatorët i arkëtojnë tarifat sipas marrëveshjes me Komunën.
- 9.3. Sektori e rishikon lartësinë e tarifave të paktën çdo tri vjet, duke llogaritur koston e shërbimeve, dhe i rekomandon drejtorisë përkatëse për shërbime publike, ndryshimet që i sheh të vyeshme.
- 9.4. Drejtoria përkatëse për Shërbime Publike shqyrton ndryshimet që rekomandon Sektori. Pas shqyrtimit, ia paraqet për miratim Kuvendit Komunal dhe ia përcjell për dijeni Kryetarit të Komunës dhe operatorëve.
- 9.5. Sektori boton një shpjegim rreth caktimit të tarifave, që përfshin llogaritjen e kostos dhe arsyet për lartësinë e caktuar.

Neni 10

Lartësia dhe arkëtimi i tarifave

- 10.1. Gjeneruesit paguajnë tarifën e shërbimit sipas kategorisë dhe nënkategorisë në lartësinë e cetur në **Shtojcën B**.
- 10.2. Tarifat faturohen çdo muaj. Faturat u dorëzohen gjeneruesve brenda 10 ditëve pas faturimit.
- 10.3. Kuvendi Komunal do ta përcaktojë tarifën për mbeturinat e ndërtim-rrënimit me akt të posaçëm.
- 10.4. Sektori mund të ofrojë falas mbledhjen e periodeke të mbeturinave të vëllimshme.

Neni 11

Para paguesit dhe jo banorët

- 11.1. Gjeneruesit jo banorë janë gjenerues të kategorisë A, që nuk janë banorë të përhershëm të Komunës. Ata paguajnë tarifën njëherë në vit, por duhet të dëshmojnë se nuk janë banorë të përhershëm. Dëshmitë përfshijnë:
 - (1) faturën e energjisë elektrike që tregon se nuk konsumojnë rrymë në pjesën më të madhe të vitit; dhe
 - (2) dokumentet e tjera që i përcakton Sektori.

Neni 12

Kufizimet

- 12.1. Ndalohet:
 - (1) të hidhen mbeturina në hapësira jashtë shportave, kontejnerëve, pikave ose qendrave grumbulluese ose lokacioneve të përcaktuara për grumbullim ose deponim;
 - (2) të hidhen mbeturinave të përziera ose të llojit tjetër në shporta ose kontejnerë të përcaktuar për mbeturina të një lloji;

- (3) të hidhen ose të digjen mbeturina në rrugë, hapësira publike, hapësirat e përbashkëta brenda dhe jashtë objekteve kolektive ose në prona private;
 - (4) të hidhen në kontejnerë publikë mbeturina të çfarëdo lloji pos mbeturinave komunale dhe komerciale;
 - (5) të hidhen mbeturina në sipërfaqe ujore, përfshi lumenjtë, liqenet, rrjedhat ujore, përrenjtë dhe sipërfaqet e tjera, ose pranë tyre;
 - (6) të zhvendosen shportat, kontejnerët ose pikat grumbulluese pa autorizimin e Komunës;
 - (7) të digjen mbeturina në pika grumbulluese;
 - (8) të nxirren, të shpërndahen ose përdoren si ushqim për kafshët mbeturinat nga pikat grumbulluese; dhe
 - (9) të derdhen ose të rrjedhin mbeturina gjatë bartjes së tyre.
- 12.2. Kushdo që bart mbeturina duhet të marrë masa për të penguar derdhjen ose rrjedhjen e mbeturinave.
- 12.3. Askush nuk mund ta ndryshojë mënyrën, metodat, teknikën ose teknologjinë e largimit të mbeturinave që përcaktohet me kontratë ose vendim të autoriteteve komunale.

Neni 13 **Gjobat dhe ndëshkimet**

- 13.1. aOrganet kompetente mund të gjobitin shkelësit sipas Udhëzimit Administrativ për Gjopa Mandatore Nr. 06/2018, të Ministrisë së Mjedisit dhe Planifikimit Hapësinor, botuar në GZRK më 7 nëntor 2018, neni 16. (aneks B).
- 13.2. Inspektori i Komunës mund të bëjë kallëzim penal për shkelje të Ligjit për mbeturina që përbëjnë vepër penale. Kallëzimin e bën përmes kryetarit të Komunës.
- 13.3. Zyrtari përgjegjës për inspektim duhet të shqiptojë gjobë për shkelje lidhur me menaxhimin e mbeturinave.
- 13.4. Kushdo që nuk njofton Sektorin kur gjeneron mbeturina të ndërtim-rrënimet gjobitet me deri në 100 euro.
- 13.5. Kushdo që kryen veprimet e ndaluara sipas Nenit 12 gjobitet deri në 100 euro, përveç nëse përcaktohet ndryshe me:
- (1) Ligjin Nr. 05/L-087, për kundërvajtje, GZRK 33/2016;
 - (2) Ligjin për mbeturina, Nenet 71–75;
 - (3) Udhëzimin administrativ i MMPH-së, nr. 06/2018, për ndëshkime me gjopa mandatore, botuar në GZRK më 7 nëntor 2018, neni 16, dhe përfshi në këtë rregullore si Shtojca B; ose
 - (4) ndonjë tjetër ligj ose akt nënligjor të MMPH-së.

- (2) inspektor i mjedisor i Komunes;
- (3) zyrtarët tjerë të autorizuar të Komunës; dhe
- (4) Policia e Kosovës.

14.3. Inspektimi bëhet sipas Ligjit për mbeturina, nenet 61–69.

Neni 15 Shtojcat

Pjesë përbërëse e kësaj rregullore janë edhe:

- (1) Shtojca A-Kategoritë e gjeneruesve;
- (2) Shtojca B-Tarifat, dhe
- (3) Shtojca C-Gjobat Mandatore.

Neni 16 Dispozitat kalimtare dhe të fundit

Në rast se dispozitat e kësaj rregulloreje bien ndesh me ligjin për mbeturina, epërsi do të kenë Dispozitat ligjore.

Neni 17 Hyrja në fuqi

Kjo Rregullore do të hyjë në fuqi 7 ditë pas miratimit të saj nga Kuvendi Komunës së Vitisë.

Kryetari i Komunës

Viti, dt. 09.03.2020

Sokol Haliti

SHTOJCA A
Kategoritë e gjeneruesve

Kategoria	Nënkategoria	Shembuj
A — amvisëritë	A-1 — klientët e shërbyer derë më derë	—
	A-2 — klientët e shërbyer me kontejnerë të përbashkët	—
	A-3 — klientët jo banorë të përhershëm	—
K — klientët komercialë dhe industrialë	K-1 — veprimtaritë e vogla zejtare dhe shërbyese	Qoshqet dhe shitoret e madhësisë së ngjashme me të qoshqeve, shitoret e dyqanet e vogla, siç janë shitësit e kafes, disqeve, kozmetikës, thjerrëzave dhe suvenirëve, argjendaritë, orëtarët, agjencitë turistike, auto-shkollat, rrobaqepësit, këpucëtarët, fotografët, butikët, libraritë, dyqanet e pastrimit kimik, gurgdhendësit, këmbimoret, llamarinë-punuesit dhe axhustatorët, zyrat e shërbimeve profesionale siç janë zyrat e vogla të avokatëve, noterëve, përmbaruesve, këshilltarëve financiarë dhe organizatave jo qeveritare, veprimtari të tjera të vogla siç janë parkingjet, qendrat e video-lojërave, zyrë për përkthime të gjuhëve të huaja, zyrat e inkasimit, shtypshkronja, vullkanizer, veprimtari të tjera të ngjashme për nga madhësia dhe sasia e mbeturinave që gjenerojnë.
	K-2 — subjektet e mesme dhe të mëdha komerciale e industriale me kosto të ulët të shërbimit	lokalet për shitjen dhe mirëmbajtjen e automjeteve (duke përjashtuar auto-ngjyrosësit), frizerët dhe lokalet tjera të kujdesit personal (m. f.), barnatoret, klinikat e vogla dhe ambulancat stomatologjike deri në dy karrige, serviset e pajisjeve teknike dhe elektronike, shitoret e vogla përfshirë shitoret sanitare, të mobilieve, auto-pjesëve, tekstilit dhe këpucëve, hekurishte, mishtoret, shitore të ndryshme, autolarje, byrektoreset, gjellëtoreset, ëmbëltoreset, bastoret, zyrat postare e të ngjashme, objekte fetare të vogla, veprimtari të tjera të ngjashme për nga madhësia dhe sasia e mbeturinave që gjenerojnë).

	K-3 — subjektet e mesme dhe të mëdha komerciale e industriale me kosto të moderuar të shërbimit	furrat e bukës, byrektoret, kafiteritë, lokale të vogla të ushqimit të shpejtë, shitoret ushqimore dhe podrumet e pijeve, bankat, sallonet e sanitarisë, sallonet e mëdha të mobileve, qendra sportive dhe të fitnesit, veprimtaritë zejtare më të rënda, si autongjyrosësit dhe xhamaprerësit, poliklinikat, ambulancat specialistike dhe ambulancat stomatologjike me mbi dy karrige, bujtinat, pompat e benzinës, restorantet e vogla, veprimtari të tjera të ngjashme për nga madhësia dhe sasia e mbeturinave që gjenerojnë).
	K-4 — subjektet e mesme dhe të mëdha komerciale e industriale me kosto të lartë të shërbimit	Shitoret e mëdha, restorantet përfshi gjellëtoret, qebaptoret, dhe lokalet e ushqimit të shpejtë, klubet e natës, veprimtarit hoteliere, pompat e benzinës me restorante, depo e materialeve ushqimore, supermarketet, veprimtari të tjera të ngjashme për nga madhësia dhe sasia e mbeturinave që gjenerojnë.
	K5 — subjektet komerciale e industriale të shërbyera me kontratë të veçantë	—
I — klientët institucionalë — me kontratë të veçantë	I-1 — institucionet komunale	institucionet parashkollore, shkollat fillore dhe të mesme qendrat kryesore të mjekësisë familjare bashkësitë lokale, zyrat e vendit, objektet e Komunës teatrot e kinematë komunale, objektet kulturore e sportive zjarrfikësit dhe bashkësitë fetare
	I-2 — institucionet qendrore dhe ndërkombëtare	institucionet e nivelit terciar të kujdesit shëndetësor policia ndërmarrjet publike posta gjykatat prokurorinë agjencitë e pavarura qendrat për punë sociale zyrat e tjera të institucioneve të Republikës së Kosovës përfaqësitë diplomatike e konsullore përfaqësitë e organizatave ndërkombëtare

Vërejtje: Gjeneruesit e nënkategorive K-5, I-1 dhe I-2 shërbejnë me kontejnerë 1,1 m³. Gjeneruesit duhet të kenë hapësirë brenda hapësirave të tyre për të vendosë kontejnerët.

SHTOJCA B
Tarifat

Kategoria e gjeneruesit ose lloji i mbeturinës	Tarifa (EUR) me TVSH	
	për muaj	për zbrazje të kontejnerit 1,1 m ³
A-1	5.00	
A-2	5.00	
A-3 (tarifa vjetore)	20.00	
K-1	7.00	
K-2	11.70	
K-3	20.70	
K-4	27.80	
K-5	-	12.10
I-1	-	12.10
I-2	-	12.10

SHTOJCA C

Gjobat mandatore

(Udhëzimi administrativ i Ministrisë së Mjedisit dhe Planifikimit Hapësinor, nr. 06/2018, për ndëshkime me gjoba mandatore, botuar në GZRK më 7 nëntor 2018, neni 16).

1. Veprimet ndëshkuese me gjobë mandatorë dhe vlera e gjobës për personin:

1.1. Me gjobë në vlerë prej 20 Euro i shqiptohet ndëshkimi personit nëse:

- 1.1.1. hedhë cigare në rrugë ose në sipërfaqe publike;
- 1.1.2. hedhja e çamçakëzit në rrugë ose në sipërfaqe publike.

1.2. Me gjobë në vlerë prej 30 Euro i shqiptohet ndëshkimi personit nëse:

- 1.2.1. hedhë ambalazh dhe mbeturina letre në rrugë ose në sipërfaqe publike;
- 1.2.2. hedhë ambalazh dhe mbeturina plastike në rrugë ose në sipërfaqe publike;
- 1.2.3. hedhë ambalazh dhe mbeturina qelqi në rrugë ose në sipërfaqe publike;
- 1.2.4. hedhë kanoçe në rrugë ose në sipërfaqe publike;
- 1.2.5. hedhë mbeturina ushqimore në rrugë ose në sipërfaqe publike;
- 1.2.6. si kalimtar rasti hedhë çfarëdo lloj mbeturine në rrugë ose në sipërfaqe publike.

1.3. Me gjobë në vlerë prej 40 Euro i shqiptohet ndëshkimi personit nëse:

- 1.3.1. hedhë mbeturina komunale jashtë kontejnerit për mbeturina komunale;
- 1.3.2. hulumton nëpër kontejner të mbeturinave, merr ose shkapërderdh-hedhë mbeturina prej kontejnerit jashtë;
- 1.3.3. hedhë mbeturina të përziera në kontejnerët ku janë të klasifikuara mbeturinat si: organike, qelqi, letra, plastika, metali, etj.;
- 1.3.4. mbeturinat nga copëtimi i drunjve i lenë në rrugë ose në sipërfaqe publike;
- 1.3.5. mbeturinat nga thëngjilli i len në rrugë ose në sipërfaqe publike;
- 1.3.6. nuk e pastron jashtëqitjen e kafshës së tyre në rrugë, trotuare, parkingje, objekte të banimit kolektiv dhe objekte tjera publike.

1.4. Me gjobë në vlerë prej 50 Euro i shqiptohet ndëshkimi personit nëse:

- 1.4.1. hedhë cigare në rrugë nga automjeti në lëvizje;
- 1.4.2. hedhë ambalazh dhe mbeturina letre në rrugë nga automjeti në lëvizje;
- 1.4.3. hedhë ambalazh dhe mbeturina plastike në rrugë nga automjeti në lëvizje;
- 1.4.4. hedhë ambalazh dhe mbeturinë qelqi në rrugë nga automjeti në lëvizje;
- 1.4.5. hedhë kanaçe në rrugë nga automjeti në lëvizje;
- 1.4.6. hedhë mbeturina ushqimore në rrugë nga automjeti në lëvizje;
- 1.4.7. dëmton kontejnerët për mbeturina komunale;
- 1.4.8. i ndërtron vendin kontejnerëve për mbeturina komunale;
- 1.4.9. hedhë akumulatorë në kontejnerët për mbeturina komunale;
- 1.4.10. hedhë pajisje elektrike dhe elektronike në kontejnerët për mbeturina komunale;
- 1.4.11. hedhë mbeturina të automjeteve të vjetra në kontejnerët për mbeturina komunale, rrugë, në natyrë dhe sipërfaqe publike;
- 1.4.12. hedhë ambalazh dhe mbeturina letre në natyrë;
- 1.4.13. hedhë ambalazh dhe mbeturina Plastike në natyrë;
- 1.4.14. hedhë ambalazh dhe mbeturina qelqi në natyrë;

- 1.4.15. hedhë kanaçe në natyrë;
- 1.4.16. hedhë mbeturina ushqimore në natyrë.
- 1.4.17. hedhë mbeturina nga kopshtet në kontejnerët për mbeturina komunale.

1.5. Me gjorbë në vlerë prej 70 Euro i shqiptohet ndëshkimi personit nëse:

- 1.5.1. hedhë çfarëdo lloj mbeturine nga ballkoni ose dritarja e objektit;
- 1.5.2. hedhë mbeturina në pusetat për kanalizim;
- 1.5.3. hedhë mbeturina nga ambalazha e materialit ndërtimor jashtë kontejnerëve (ambalazh letre, metali, plastike dhe materiale të ndryshme);
- 1.5.4. hedhë mbeturina të ngjyrave në kanalizim;
- 1.5.5. hedhë mbeturina të ngjyrave në kontejner për mbeturina komunale;
- 1.5.6. hedhë mbeturina të vajit në tokë nga pakujdesia;
- 1.5.7. hedhë mbeturinat medicinale në kontejner për mbeturina komunale;
- 1.5.8. hedhë mbeturina të stallave në afërsi të rrugës brenda vendbanimit (nuk nënkupton shpërndarjen e plehut në ara);
- 1.5.9. hedhë mbeturina në pronën e tjetrit;
- 1.5.10. hedhë pajisje elektrike dhe elektronike në sipërfaqe publike ose në natyrë;
- 1.5.11. hedhë bateri ose akumulator në sipërfaqe publike ose në natyrë;
- 1.5.12. hedhë cigaren e ndezur në kontejnerin për mbeturina komunale;
- 1.5.13. hedhë hirin e nxehtë në kontejnerin për mbeturina komunale.

1.6. Me gjorbë në vlerë prej 90 Euro i shqiptohet ndëshkimi personit nëse:

- 1.6.1. hedhë mbeturina nga materialet ndërtimore jashtë vendeve ose kontejnerëve të caktuar nga autoriteti komunal për mbeturina të materialeve ndërtimore;
- 1.6.2. hedhë mbeturina nga materialet ndërtimore në kontejnerët për mbeturina komunale;
- 1.6.3. hedhë mbeturina medicinale në sipërfaqe publike ose në natyrë;
- 1.6.4. hedhë mbeturina medicinale jashtë kontejnerëve për këto lloje të mbeturinave;
- 1.6.5. hedhë mbetu të vëllimshme në kontejner për mbetur komunale, sipërfaqe publike ose në natyrë;
- 1.6.6. hedhë lloj tjetër të mbeturinave në sipërfaqe publike ose në natyrë;
- 1.6.7. hedhë mbeturina të përziera me vaj në kontejnerët për mbeturina komunale;
- 1.6.8. mbeturinat drunore nga krasitja e bimëve ose drunjve nuk i mbledh nga rruga ose hapësira publike në kohën e krasitjes;
- 1.6.9. hedhë mbetu drunore nga krasitja e bimëve ose drunjve në kontejnerët për mbeturina komunale;
- 1.6.10. djegë mbeturina komunale në kontejner.

1.7. Me gjorbë në vlerë prej 100 Euro i shqiptohet ndëshkimi personit nëse:

- 1.7.1. hedhë çfarëdo lloj mbet. në ujëra të përroskave, lumenjve, liqeneve ose sipërfaqeve të tjera me ujë;
- 1.7.2. hedhë çfarëdo lloj mbeturine në brigjet e përroskave, lumenjve, liqeneve ose sipërfaqeve të tjera me ujë;
- 1.7.3. hedhë mbeturina të vajit në sipërfaqe publike, kanalizim, në rrugë ose në natyrë;
- 1.7.4. hedhë mbeturina të përziera me vaj në sipërfaqe publike, në rrugë ose në natyrë;
- 1.7.5. hedhë mbeturina të gomës dhe goma të automjeteve në sipërfaqe publike, në rrugë ose në natyrë;
- 1.7.6. djegë mbeturina komunale në sipërfaqe publike, në rrugë ose në natyrë;

- 1.7.7. djegë goma, mbeturina tjera prej gome, në hapësirave private, publike, rrugë ose në natyrë;
- 1.7.8. djegë mbeturina të ndryshme prej plastike, në hapësira private, publike, në rrugë ose në natyrë;
- 1.7.9. djegë mbeturina të ndryshme prej letre në sipërfaqe publike, në rrugë ose në natyrë;
- 1.7.10. djegë vajra, mbeturina të vajrave në hapësira private, publike, në rrugë ose në natyrë;
- 1.7.11. derdh çfarëdo materiali në sipërfaqe publike, në rrugë ose në natyrë me ç'rast prej saj krijohen mbeturina.